

Տէր Նիկողայոս քահանային, որ է աստ երկրէն Բարերթու, ի գեղջէն Հըն-  
տրէու: Արդ, աղաչեմք զձեզ մանկունք նազելի մօրս մեր Սիովնի, սուրբ քա-  
հանայքդ պատուելի, որ էք տեսուչ ժողովրդի, որ պատահիք սուրբ գրոցս,  
յիշեալիք ի մաքրափայլ յաղօթս ձեր զՍրապիոնս և զուսուցելն իմ զմէրտե-  
սի Տէր Խաչատուր՝ արի և քաջ քարոզարանն Հիզանեցի, որ բազում աշ-  
խատութեամբ և գորովագութ սիրով հասոյց բերտս և հաստատամիտս ի յար-  
հեստ գրչութեան. զփոխարէնն ի Քրիստոսէ տացէ նմին: Գարձեալ, յերես  
անկեալ և զլուխ ի գետին դնելով, ո՛վ դասք քահանայից և ուսումնասէր  
սարկուազունք, յորժամ ընթեանուցուք զպատմութիւնն սուրբ հայրապետաց  
և նահատակութիւնս սուրբ մարտիրոսաց, յիշեալիք ի յաղօթս ձեր՝ անպիւ-  
տան հողս և փռչի զՍրապիոն գծողս Բարերթացի, և զհայրն իմ Զանուծն  
և զմայրն իմ Շահփայշայն, զքոյրն իմ Լուսխաթունն, փոքր եղբարն իմ  
Գրիգորն, որք են հանգուցեալ առ Քրիստոսի, և կենդանի եղբայրն իմ Պր.  
Յակոբն. զկողակիցս իմ զՄարթայն, և որդիքս՝ Յակոբն և Աւքսէնտն, հան-  
դերձ ամենայն զարմիրք իմովք: ամէն... Արդ, ես նուաստս ամենայնի և  
զառածեալս մեղօք ի լի, զծոյլս ի բարին և զարագս ի չարին սուտանուն  
Սարգիս դպիրս գծողս, աղերսեմ ի ձեզանէ յիշել ի Տէր՝ զլուսուցելն իմ  
զՅոհանն դպիրն, որ բազում Լանիւ և աշխատանօք զվրիպեալն և զանիւ  
մաստ թանձրամիտս և յետ՝իւալս ուսոյց արհեստ գրչութեան... Գարձեալ,  
յիշեալիք ի մաքուր յաղօթս ձեր զհայրն իմ զմաշտետի Տէր Յովանէս քա-  
հանայն և զմայրն իմ Զարդարն, և զքոյրս՝ Գուլվարդն, և զեղբարքն իմ  
Գասպարն, Կիրակոսն, Մելքոնն, Թորոսն, և ամենայն արեան մերձաւորքն  
իմ, զկենդանիս և զհանգուցեալսն առ Քրիստոս. ամէն:

Արդ, աւարտեցաւ սուրբ գիրքս ի դառն և ի դիժար ժամանակիս և ի  
ձմերացեալ յաւուրս վերջին. եկն ի վերայ մեր բարկութիւն Աստուծոյ, վասն  
ծովացեալ մեղաց մերոց. յարեան ազգն անհաւատից չար և անօրէն անագորոն  
և զազանարարոյ քարապահանջ բռնաւոր, որ կոչին Նիտողք, որ է Թաթարն,  
եկեալ մտին երկիրն Իլախաց՝ յաւար առնել. որ և բազում քաղաքս և գետոս  
տապալեցին, և զբազումս գերեցուցին. յետոյ եկեալ ազգն Իլախաց բազում  
զօրօք ի վերայ նոցա, զգերին թափեցին, և զբազումս սրախողխող արարին.  
և մնացեալքն եկին փախստական երկիրս Օլախաց և վրդովեցուցին երկիրս  
զայս, և զբազումս գերի առեալ տարան. և յետ երից և չորից աւուրց ան-  
ցանելոյ նոցա, եկն եհաս այլ չարագոյն բօթ, թէ ահա Միրօն պարոնն ժո-  
ղովեալ է բազում Ղազախ, և կուգայ ի վերոյ միւս Պարոնին. և ահա կա-  
տարեցաւ բանն տէրունական՝ որ ասէր, թէ տուն՝ երկու բաժանեալ աւերես-  
ցի: Վասն որոյ մեծամեծքն Միրօն պարոնին զալպեցին զնա. որ եկեալ փա-  
խըստեամբ զնաց նստաւ ի բերդն Խօթինու. և երկիրս անտիրացաւ ի թա-  
զաւորաց չորս ամիս. յետոյ եկն որդին Յըռատօլ պարոնին, տղայ զօրով.  
նստաւ ի Ետալ քաղաքին աթոռ թագաւորութեանն. ըստ այնմ որ ասէ, թէ  
Աստուած որ բարկանայ ի վերայ երկրի՝ մանուկ թագաւոր առաքէ նոցա և